

قمر قمر من زينها الحسن انبهر  
فيها الوصايف تجتمع بألوانها  
يوم أقبلت تمشي كما عَزَفَ الوترُ  
أجملُ ترائيمِ الغلا وأحانها

خَيَّالَتِهَا المفتون في سِحْرِ الحورِ  
تطري فواده من غدير اشجانها  
حلالها يَحْلا لها بأعلى قَدْرٍ  
لامنْ خذاها بالهنا سلطانها

سموا عليها وباركوها يا بشر  
عروستا سارة بدت بألوانها  
ما كنتها إلا بَدْر في رابع عَشْرَ  
طيف السنايا أشرقت بأوجانها

بنت الكرام اللي لهم طيب الأثر  
ديرة قروم بالوفا عنوانها  
طيب على طيب جمع أطلى خبر  
يوم انكتب عِدَّ الهنا برهانها

طيف الزهر يوم انتثر فوق الدرر  
فيها الوصايف من حلا بستانها  
يا لله عساها تهتبي طول العُمُرُ  
تطوي الهموم وما تذوق احزانها